

國家圖書館藏

中華歷史人物別傳集

綫裝書局

先考誼卿府君行述

先考誼卿府君行述

嗚呼府君之卒於今已期年矣小孝新嘉思祖述府

君性行事實輒哽咽不能措一辭邇者族曾祖瑞卿

暨諸從父族族人於慎遠義莊議續修家乘命不孝

新嘉備載以資纂輯乃追維所及見聞者和淚詮次

之府君諱日鈞字秉如號誼卿先世海遺公諱諫明

正德丁卯選元官南京光祿寺署正事蹟見兩浙名

賢錄府縣志著有海遺集三傳至蘭亭公諱守仁邑

庠生萬厯丙午受知於督學陳公大綬舉德行科傳

學薦志鄉里稱善人焉是爲府君十世祖自蘭亭公

譚氏家譜

卷七

行狀

聖慎遠義莊

以下入國朝潛德弗耀高祖坤良公諱子銓貽贈

朝議大夫曾王父聲揚公諱之松贈朝議大夫累贈

資政大夫王父尹田公諱光熙候選同知授奉政大

夫以世父問梅公官京曹遇覃恩累封資政大夫

高祖妣氏林曾王母氏梅王母氏姚均封贈如例王

父尹田公讀書識大義不屑爲章句學性孝友家故

貧慮無以供甘旨乃棄儒業習商賈往來吳楚間十

餘年境遂漸裕歸故里承先志捐田產建莊祠著規

條六十二事聞得旌見縣志孝義傳王父有子五

府君其次也府君幼有至性入塾受毛詩讀至蓼莪

之篇淚汪然承兩眶人異之稍長喜摹晉唐人書徑寸以下尤工時留王母梅太夫人年已高好禮佛府君嘗楷錄佛經數種以進用是留王母益愛之咸豐庚申緒匪大亂家人分道避徙是年八月留王母在晏城卒府君未獲隨侍然留王母以愛府君故疾革猶以蘋果寄府君曰吾不忘秉如也曾王母平日呼府君爲秉如故云同治壬戌春府君從王父避寇氛之鄂轉徙三千餘里出入鋒刃中瀕於險者數矣遂廢讀爲王父司會計事乙丑江浙已肅清府君侍王母東下僑寓松江復遷上海始得理舊業丙寅補縣

譚氏家譜

卷七

行狀

望慎遠義莊

於黃鶴樓鸚鵡洲之間府君嘗謂不孝曰班孟堅云抒懷舊之蓄念發思古之幽情吾於往日之行庶幾近之復溯襄河北上至安陸郡嘉善沈公星標以名進士官京山令與府君有舊遣使迎府君至署中居半載會戊寅正月王父六旬遂辭歸稱觴爲王父壽未幾王父患痰血已卯十月王父卒於上海石駁岸寓次辛巳四月王母亦以乳巖卒府君疊遭大故哀毀骨立王父母之臥病也府君日夜侍左右滌痰拭穢諸事躬親之無難色王父卒時遺命曰余兄弟五人皆樂山他日當合葬山鄉以償夙好府君乃入山

譚氏家譜

卷七

行狀

望慎遠義莊

敘郡丞至是戚友咸勸赴引府君以比年以來常患怔忡故辭焉構宅於府治鄭家埭築園亭雜蒔花木數十種聚書萬卷以自娛樂手書聯語云閉戶自知精力減儲書還望子孫賢又仿北齊顏氏例著家訓若干則大致謂子孫當敦品勵行讀有用之書成有用之才顯晦窮達可弗論也居家嚴內外規範肅然遊觀戲玩事悉屏絕見獎獨者量力周飲之然深自韜晦甲午七月先妣金恭人卒不半月世父問柁公病歿溧水任所世父之未歿也嘗假歸展墓與府君握手相見極歡臨行挽府君偕至溧邑府君喜諾之

譚氏家譜

卷七

行狀

聖

慎遠義莊

數月歸未幾世父凶耗至府君聞之慘淚如嬰孩而舊恙益加自是以後家運迍邐傷心之事踵至怔忡時發夜不能合眠寐僅憑几而坐坐稍久心火衝激則終宵步行勢憊甚命不孝先期置梓且曰不可過豐豐則違我一生儉約也卒以衰病日劇兼挾暑邪足創潰裂遂至不起時光緒二十八年八月初七日未時也距生道光二十六年六月十一日寅時享年五十七歲嗚呼痛哉府君於學少之時究心帖括中年後絕意進取書自經史而外諸子百家咸喜瀏覽然無門戶之見亦不好撰述謂吾欲言者前人已言

之矣苟有心得卽人不我知亦不妨孤芳自賞其學以爲已如此手澤之垂諸久遠者惟杭墓貞珉大半爲府君手書光緒庚寅世父問梅公遇覃恩勉請四品封典前妣葉恭人秀水敕贈候選訓導諱銘公女先妣金恭人同邑誥贈直隸知府諱鎬公女繼妣褚宜人秀水庚午舉人壽昌縣學教諭諱仁公女子三俱金恭人出不孝新嘉五品銜分省補用知縣娶績溪胡氏已酉舉人歷任温州甯波知府諱元潔孫女廣東始興縣知縣名良銓女不孝新羅議敘從九娶秀水吳氏同知銜名惟善女不孝新貽國學生聘

譚氏家譜

卷七

行狀

聖

慎遠義莊

吳縣王氏嘉興糧捕通判名世鈞女女子子七長葉恭人出餘俱金恭人出長適上海陳候選知州諱銓次適婁縣張附貢生兵部主事名永釐三適上海賈已未舉人甘肅平涼府知府諱勛子庠生名豐臻四字平湖陳優廩生庚辛併科副貢名文瑞餘未字孫男一其祥孫女一俱幼不孝新嘉等驚劣無狀身不立名不揚不足以顯榮父母死有餘辜惟念府君性行事實不可使泯沒無聞因陳一二以質族人倘得當世知言君子錫之鴻文則吾世世子孫感且不朽光緒二十九年七月之朔不孝孤哀子新嘉泣血述

先叔父問梅公事畧

吾譚氏以牧令起家者惟太僕凡同公文章政績彪炳史冊若左羽公書兩公雖任劇邑登薦剡然其生平事實以當時失於紀載故後世無述焉嗚呼吾叔父之卒距今已十年矣去年從弟希鏗又歿希鏗無子以仲經從兄之子其淵爲叔父嗣孫年尙幼

新嘉

嘗念吾叔父宰溧水時必有循良政績可以書之爲吾譚氏光者乃寓書於鄭受之孝廉咸張利川文學伊澂冀有以得其詳兩君者皆客叔父署最久者也鄭孝廉之言曰公之宰溧水也其政績之可紀者有譚氏家譜

卷七

行狀

吳

慎遠義莊

二一曰弭盜溧水與江皖壤相接遊勇會匪益結蟻聚久爲閭閻患公下車卽設法擒其渠而又慮差捕怯弱而無能爲也則選土著壯丁編爲護勇有以盜窟聞者卽策騎親率掩捕故公在任盜案無不破溧水之民大悅又嘗獲鄰境要犯兩起循例俸滿後當膺上考惜公蒞任僅五年而止一日愛土溧水雖近會垣然兵燹後弦誦衰息公心憫焉邑故有車公祠公捐廉擇購經史有用書儲其中手定章程令邑士借閱復於祠旁勸設經塾延名師以課邑子弟又設蒙塾若干處未幾士氣大奮領鄉薦者濮君賢慶寶

君恩榮拔萃者李君保亮皆公縣試及經塾中所得

士而咸亦以受公拂拭忝列鄉榜不可謂非幸也邑生王璞素有行其嬖某氏戾於法爲上元縣所拘氏念姪係士人或可恃爲護符因誣扳冀減己罪上元令某君牒溧學提王生學官置不問某君怒徑請學使褫革之公爲之辨其誣乃寢又邑生張耀三亦王璞類也同邑端木棣以眦睚事訴張於教諭教諭與張有隙偏袒端木棣飾辭以毀之且請褫革張張故無援心窘甚公聞之訝曰果爾則天下無是非矣列狀與學使諍張乃得開復張文學之言曰公之宰溧

譚氏家譜

卷七

行狀

吳

慎遠義莊

水也其政績之可紀者尙有在鄭君所言之外者矣丁亥余因公之招往溧水入其境知城隍廟燬於兵前令勸收畝捐以經理非人弊百出公至以畝捐病民除去之別籌他款不數年廟成冬寒恤老疾癘孤之無依者夏則設醫局兼施藥以療疾病民死貧無以殮者予之棺壬辰七月飛蝗蔽天公親詣十二鄉督鄉民捕捕未盡而上官疑其怠也遂以是撤任檄下溧水之民如失慈父母者老相率之省乞留格於例不果比行餞送者塞衢巷公步行卻之有頂香送至境外者甲午三月公復任士民歡迎者無萬數公

藹然謂士民曰曩余蒞斯土曾未有福若若顧愛我至此余愧焉今我又爲若官我必思有以利賴若民聞之歡聲如雷溧邑西南四十里有石臼湖與鄰境之固城丹陽兩湖毗連宣歙桐汭諸水會焉廣袤數十里自東壩旣築蘇常之水道塞臙脂河亦淤惟恃花津西達太平府一綫之河爲出水門戶沿湖田廬恒慮淹沒而北鄉又苦乏灌溉之利公意欲濬臙脂河俾水勢逶迤北向泄入秦淮惟工費繁重議數月方就緒狀具未上而公遽以疾卒彌留時猶喃喃以興水利爲言公爲政急民之病如此公旣卒士民痛

譚氏家譜

卷七

行狀

兗 慎遠義莊

惜奉粟主於經塾春秋祭祀惟敬嗚呼 新嘉 觀鄭張兩君之言則吾叔父之循良政績其可不書之以示後世子孫乎叔父諱日襄字贊如號問梅先大父尹田公季子也性穎異讀書過目成誦年十五應童子試輒前列故先大父期望之甚切 今上御極之歲叔父時年弱冠應本省鄉試卷上主司激賞之以額盜見遺肄業省書院月課輒冠其曹浙撫茶陵譚公鍾麟耳其名延入官書局命以文瀾閣殘本通鑑長編與丁氏愛日廬藏本校勘逾年譚公入覲叔父隨以北上援例授主事花翎員外郎銜籤分刑部奉天

司行走歷辦要差司寇仁和許恭慎公深器之歲己卯應京兆試出闈聞先大父病劇星夜南歸十月丁先大父憂又明年先大母姚太夫人卒服闋辦山東某縣礦務大府請 旨允准欵集矣以士民惑於堪輿者之言止丁亥改知縣部選溧水叔父頽然白哲美丰姿與人交豁達無城府尤慷慨好施與雖不由科目進然所結納者皆知名士在書局與楊編修文瑩沈庶常善登濮廉訪子潼黃教諭以周友善尤契潘閣讀鴻潘故遂於學叔父虛心請益用是學日進遊京師執贄張太史初杰之門太史嘗語人曰及門

譚氏家譜

卷七

行狀

兗 慎遠義莊

惟譚生與宋生器識過人宋生名承庠後以侍御殉庚子之難者也叔父官江蘇陝甘總督黃安李公廷簫時守江甯每稱叔父操守可信或哂之曰譚令家素封故能爾李公曰貪廉不在貧富孰謂富者必廉而貧者必貪耶要視其居心何如耳識者以爲知言叔父宰溧水時嘗修縣志體例甚精審手批牧令書輯要多見道語叔父卒後家稍中落配金恭人有賢行先妣胞妹也叔父之卒在光緒二十年八月初九日其生在咸豐五年九月十一日享年四十歲叔父生子一名新炳字桂生一字彭壽號希鏗自幼與

嘉同處叔父喪歸雖異居然希鏗在吾家讀書與

嘉同几席者又兩年餘希鏗敏而好學又和易善諸

眾先府君嘗笑謂曰若亦吾家千里駒也吾弟得若

子不死矣後希鏗兼習英國文所詣甚深

急與人寡合居恒鬱鬱不自得得希鏗一言諷諭則

相與鼓掌大歡不能自己去年八月先府君棄養九

月希鏗病使執訊來必欲

其寢希鏗一見則大哭失聲蓋痛

自知病不起因謂

惟念先人循良政績不有以紀之將湮沒而無聞炳

已矣此事惟兄是屬乃伏枕哽咽作叩頭狀者再

嘉涕泣允諾希鏗卒越七日其妻錢宜人殉之時光

緒壬寅九月廿一日也

嘗作文以紀其事

光緒二十九年癸卯七月二十四日

胞姪新嘉

拜撰

嘉興譚氏家譜卷之七終

嘉興譚氏家譜卷之七終

嘉興譚氏家譜卷之七終

嘉興譚氏家譜卷之七終

主千一洛...

日其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

其主...

長樂李星冶先生遺像

陳寶琛題



花田間來習知民事作民父
母所至而治孰重氣節孰輕
功名必踐師言以酬平生

門人鄭孝肯敬贊

訃

喪居福州長樂縣沙京上李村
津寓日界秋山街百花村西邊

不孝 鎮中等罪孽深重弗自殞滅禍延

顯考

清授資政大夫

特頒碩德耆年匾額

特頒南極星輝匾額

特頒綏疆錫福匾額

特令國務院存記

特旨軍機處存記

特旨召見

特旨送部引見

特旨嘉獎循良三次

特旨嘉獎卓異三次

欽加三品銜

賞戴花翎

特旨直隸補用道

特旨在任候補知府

特旨候補直隸州知州歷任國政商榷會會員 公府高等顧問

問國務院諮議安徽省長國會參議院議員安徽巡按使

參政院參政代理審計院院長兼理實業司司長署河南

內務司司長補河南司法籌備處處長補河南豫南觀察

使署河南南汝光浙兵備道補河南開封府知府調署河

南陳州府知府補河南汝甯府知府代理直隸天津府知

特旨嘉獎卓異三次
欽加三品銜

賞戴花翎

特旨直隸補用道

特旨 在任候補知府

特旨候補直隸州知州歷任國政商榷會會員 公府高等顧問

問國務院諮議安徽省長國會參議院議員安徽巡按使

參政院參政代理審計院院長兼理實業司司長署河南

內務司司長補河南司法籌備處處長補河南豫南觀察

使署河南南汝光浙兵備道補河南開封府知府調署河

南陳州府知府補河南汝甯府知府代理直隸天津府知

府兼天津審判兩廳四局總稽查直隸考驗處坐辦護理

北洋行營營務處總辦北洋行營營務處提調補直隸灤

州知州署磁州知州北洋海防支應局提調補清苑縣知

縣調署宣化縣知縣調署蔚州知州兼理唐縣知縣回任

望都縣知縣調署撫甯縣知縣兼理完縣知縣補直隸望

都縣知縣光緒庚辰科大挑一等同治癸酉科舉人附生

星治府君痛於中華民國十六年七月十七日即夏歷丁

卯年六月十九日丑時疾終津寓正寢距生於道光丙午

年八月二十二日未時享壽八十有二歲不孝 鎮中 尊書

等在籍聞電匍匐奔喪親視含殮遵禮成服謹擇於九月

二日即夏歷八月初七日移柩權厝於天津新塘家口福

建義園擇期扶柩回籍安葬叨在

誼哀此計

聞

本生孫命稱哀孤

哀子李

鎮中

泣血稽顙

即日申刻回虞

謹擇於陽歷九月三十一日
夏歷八月初五日
領帖
陽歷九月二日
夏歷八月初七日
午時發引

齊衰期服孫貴
泣稽首

齊衰五月曾孫香
泣稽首

期服姪
泣稽首

功服姪孫貴
泣稽首

功服姪
泣稽首

祖免服姪孫貴
泣稽首

周忍俊偉雅尊
孔孔禮
成章西立
青孔孔
華孔孔
錦泉銘銘
針儒

哀啟

哀啟者 先嚴幼孤而貧日出樵採陰雨則讀以為常同治壬戌夏北行依 先姑丈黃公穀臣於都門授經為業鄭蘇戡稚辛兄弟皆從受學居數年還鄉以冠軍補博士弟子員癸酉歲考一等旋舉孝廉光緒庚辰以大挑知縣分直隸壯歲策名便以天下為己任甲申到省奉委天津槽船局委員以辦理海運出力直督李公奏保補缺後以直隸州知州補用天津有四書院四司輪課奉委襄校每卷必加點竄士子悅服 宮玉甫老伯宰天津縣縣試邀與衡文拔林君兆翰第一逮院試 先嚴所取前列十人儒者九而林君又毅然居榜首學使稱宮不置宮公始信服 先嚴之精鑒是年又以辦理海運出力直督李公奏保俟直隸州補缺後以知府用居官耿介不苟取不干進

於是沈滯者十年甲午敘補望都縣知縣縣爲九省要衝賦徭俱重先嚴言於上官特疏乞恩得 兪旨減五成又請每歲津貼差徭三千金望民議建生祠先嚴力阻之乙未秋調署撫寧縣去甫數月而祠成撫甯邇山海關中日罷戰萑苻不靖募壯懸賞獲渠魁數人立賞重典盜風頓熄直督王公奏保循良奉傳 旨嘉獎已亥回任望都望民額手相慶先嚴重葺斯土辦理保甲團練撫綏黎庶直督裕公先後奏保卓異又奏獎記大功二次奉傳 旨嘉獎唐縣縣試罷考距府試期迫矣郡守檄先嚴往代士民歡迎道左遂受篆開考十二日竣事輿論翕服是時蔚州盜賊蠢起大府命星夜馳往接篆有不行將致大亂之語先嚴受委馳赴至則盜已聞名遠颺未幾卒

禍作先嚴捕首要五人懲治之餘黨逃散宣化縣教民相仇釀成巨變道路梗阻先嚴奉調不能晉省受檄閒道赴任道府皆同聲稱謝舊令則跪謝曰此德沒齒不能忘也衆勸先嚴寄眷於鄉先嚴曰何得先去以爲民望遂徑入署受篆越日英法意日四國大兵壓境設糧台於城外先嚴與約各馭兵士勿擾民境賴以安直督袁公大加賞識專摺奏保循良又奉傳 旨嘉獎旋以調補清苑縣知縣卸篆回省請開缺南歸直督袁公謂曰非君則宣化全郡墟矣我方奏保何言去也又奏保卓異奉傳 旨嘉獎並蒙送部引見德宗召見諭曰汝以實心行實政使牧令盡如汝便佳矣得 旨以知府在任候補交軍機處存記並賞戴花翎既而蒙直督袁公委北洋海

防支應局提調調權磁州興學造橋惠政畢舉民到于今稱之尋擢灤州地廣多盜劫案歲恒數十起先嚴創辦保甲歷一載無劫案勸辦公債蒙直督袁公奏保俟知府補缺後以道員用去任回津堅請假歸袁公曰知君久倦民事姑留相助可乎即委行營營務處提調各州縣民盜案之難了者皆提訊先嚴躬自鞠獄未嘗假委員之手故所上靡不准袁公嘗諭臬司曰李某所定案毋輕動翹得指示之曰是精法律無第二人也于是委代理天津府知府委考驗處坐辦令與司道商建審判廳委兼兩廳四局總稽查且語司道曰凡譖李某者皆不實幾使我失人袁公信任之隆無以過之丁未春簡授河南汝甯府知府郡多土豪以嚴緝咸斂迹又勸種樹環城種桑萬餘株今

皆成園矣倡辦師範學堂察吏以不貪而能任事者爲本屬吏始憚而終愛之在任四年蒙豫撫林公寶公相繼奏保循良藩司王公奏保卓異均奉傳 旨嘉獎調陳州府知府以紳民挽留而罷宣統庚戌冬調補開封府知府遷南汝光浙兵備道民國元年改爲豫南觀察使三年任司法籌備處處長內務司司長兼實業司司長蒙海軍總長兼南洋巡閱使劉保薦才堪大用奉 大總統批交國務院存記調京權審計院院長授參政院參政外任安徽巡按使被選國會參議院議員特任安徽省長皆不久而去未竟其志後雖被聘爲國務院諮議執政府高等顧問恐尸素貽譏屢辭弗就然悲憫之懷未嘗已也綜計先嚴前後從政垂四十年家僅中人僑居津門勤儉若寒素然

性好施周急不吝己未秋閩省颶風爲災長樂北鄉濱海陳塘港堤潰淹沒田園屋舍無數先嚴倡議籌賑並謀捐囊修堤俾復民間田舍而又苦力薄林畏廬先生勸以賣字助賑先嚴避之遂減半收潤助賑經一年之久堤工告成邑人頌德不已自是書名益噪求書者踵至先嚴慮家口日增又爲戚友牽累罄其薄產亦不得不藉筆墨以贍家用雖嚴寒酷暑仍日事揮灑無倦容性素惡逸慶吊必親酬酢靡閒事不問巨細必躬自裁決家人有以節勞請者先嚴恒言斯猶細事我固樂此不疲且不疲恐家將不給也以故操勞太過體漸虧耗矣客歲盛夏飲食銳減家人懼先嚴亦自言將不久入秋漸覺復元本年夏至後又病如前狀且胸次脹滿夜不安眠先嚴

疑中氣太實中樞不運自擬方藥連日服之無效始延閩醫診察連服化痰降氣藥三日又無效而嘔吐作矣遂易醫進醒脾開胃及降氣運脾等藥歷四日仍無效此時舌苔尙白滑間以淡黃色痰極黏滯口渴不多飲腸三日未通精神猶不敝也復延西醫診驗謂無他病惟腸中滯積宜下連服西藥丸藥水三日滯如故而嘔吐轉劇謂宜用機導出燥糞連導兩次均非燥硬不得下者先嚴遂不願再服西藥矣自是舌苔化燥深黃粗厚舌端色絳緣邊苔濁而黃口苦而乾渴欲食瓜肌膚燒灼寒熱交作心煩脅痛小便短赤嘔吐胃液諸症悉見再延中醫診治謂陽邪陷裏氣短液虧進以升陽祛暑養陰藥不嘔不吐自謂歷六小時極清爽迨夜半嘔吐又作不再服越日液益虧

火益熾投養陰救液清暑之劑病重藥輕僅半服仍弗見效當十四五等日輒對家人言十九日爲觀音大士誕子當于此日謝世十八夜當與爾等訣及期家人環侍但言戰事不已民奚以堪對家事默無一言家人以神色不少變弗敢問惟進藥則拒進食亦拒但常常問辰刻延至十九日丑時忽氣粗痰升竟棄不平等而長逝矣嗚呼痛哉不孝繼中曾書等前遵嚴諭服務家鄉學農學圃毋得涉足仕途以致定省久疎有虧子職猝聞病耗即日束裝奔赴比至則音容已渺搶地呼天悔恨何及不孝之罪眞百身莫贖矣祇以窀穸未安歸期未卜不得不苟延殘喘勉襄大事苦塊昏迷語無倫次伏祈

棘人李

錄中

泣血稽顙

長樂李星治先生

八十征詩文啓

長樂李星治先生八十徵詩文啓

李星治先生卽兆珍福建長樂人幼慧以家貧日事樵薪必陰雨乃得學蓋所
齋畫粥而不能得者同治壬戌夏北行依其姊丈黃公穀臣於京師設帳於同鄉鄭氏鄭君蘇齋
先生高足也居數年南旋以冠軍入邑庠癸酉歲考一等旋登賢書光緒庚辰以大挑知縣分
直隸甲申到省某觀察委權稅並委監修衙署答曰工程浮冒幾成慣例必實銷乃敢應命觀察
默然天津有書院四司道輪課常約襄校每卷必加點實士子悅服宮玉甫大令宰天津值縣試
邀與衡文拔林君兆翰第一逮院試 先生所取前列十人萬者九而林君又襄然居榜首學使
贊宮大令不置當校閱時宮大令見 先生所少疲勞謂何自苦乃爾 先生曰任作何事不容
敷衍況關人才出入乎某觀察之兩公子會受業於 先生一日密啓曰某氏求缺於家君家君
爲之關說果得缺先生盡亦一言乎 先生正色曰尊翁果以某爲才則不必言不才雖言何益
於是沈滯者十年甲午餞補望都縣縣爲九省要衝賦催俱重 先生檢閱通志知明季以三饑
加賦國初恩詔凡三饑所加悉予蠲除而以望都民歸順較遲獨斬不蠲故賦重甲全國而後繁
甲全省 先生言於上官特疏乞恩得俞旨減五成又請每歲津貼差餉三千金望民議建生祠

先生力阻之乙未秋調署撫甯去甫數月而祠成撫甯瀋山海關中日戰後兵匪勾結萑苻徧
地獲五人留諸法而盜氛戢唐縣縣試罷考距府試期已近矣郡守委 先生往代理唐民騷呼
迎近受篆卽開考經十二日竣事蔚州盜熾廷方伯召 先生督省諭曰若不爲我一行將大亂
遂委署州事盜聞 先生名竟相率避去州有桃花堡與保安州分轄堡內劫不已蔚境內獨
晏然 先生嘗曰晒曰盜豈與我有素耶拳匪興捕首要五人懲治之餘匪逃散調宣化時道路
梗塞不能晉省受檄民教方仇該縣燬教堂三殺教民二千餘縣令陳某不能制求去甚急 先
生曰某若爲身家計惟有退避耳其如全郡人民何遂允受任道府皆新藩郡同聲稱謝陳某則
踴躍曰此德溷齒不能忘也來勸寄眷屬於鄉以避亂 先生曰是所謂先去以爲民望也吾恥
之徑入署越四日英法意日四國兵三千餘省以巨礮快槍至設糧台於城外 先生與約各嚴
兵士勿擾民境賴以安卸篆回省請開缺南歸時項城督直謂曰非君則宣化全郡墟矣我方奏
保三人首朱令家寶次即君次即齊令耀琳君何言去也旋送部引見德宗召見諭曰汝以實心
行實政使牧令皆如汝便佳矣得旨以知府在任候補交軍機處存記未幾委署磁州立蒙學三
百餘所州鄭河南之安陽有豐樂橋長三里餘兩境共之冬則造橋兩邑更迭值年工料派於民

官倉餘潤更又需案所費恆在兩萬金以上究之實銷不過三千金耳 先生請於制府如磁州輪值則由直藩庫發三千金安陽輪值則由豫庫發給數亦如之並咨豫撫立案省委視學至磁謂閩茶佳請分惠意固不在茶也 先生曰此易耳但今當避嫌且待異日不歡而去及擅離州郡守亦謂漁魚美 先生曰郡城自有販者曰不若濫之鮮耳 先生竟不答濫遠還關羣盜如毛劫案歲恆數十起 先生辦保甲令每十家一人持械守衛盜不懼捉而懼圍歷一載無劫案某觀察督辦鹽課員某與州役圖於娼家誣票署州役通匪查辦委員某帶勇前往租鹽員遇役開槍傷人役憤極以槍還擊二勇傷焉役遠屬委員以拒捕重覆 先生遂解任留結項城方入觀旋津謂司道曰李牧譽滿都下可不俟獲犯銷案未幾案亦破獲 先生赴津堅請假歸項城曰知君久不樂作缺差其可乎即委行營務處提調各州縣命盜案之難了者皆提訊 先生躬自鞠獄未嘗假委員之手故所上靡不准項城當諒臬司曰李某所定案勿輕動翹拇指示之曰是精法律無第二人也又令與司道商建審判廳即委為兩廳四局總稽查因語司道曰凡諸李某者皆不實幾使我失人薦卓異者三薦循良者三丁未春簡授河南汝甯府知府以郡多土匪飭嚴緝又飭屬種樹環城種桑萬餘株今皆成園矣在任四年察吏極嚴郡屬縣令奉

委者恆遠巡不敢來來則語之曰吾無他求但能不合辦事認真斯可矣事有疑難不妨來郡面商故屬吏始憚而終喜調陳州為丁陳兩巨紳電省挽留官統庚戌冬遷南汝光兵備道民國二年任司法籌備處長內務司長調京權審計院長外任安徽省長八年被選參議院議員旋引退卜居於津城性節儉不妄費一錢至資助親朋則千金無吝居津數年囊橐蕭然而怡然自得年登八秩耳目聰明腰腳強健書法右軍求者踵接太史公稱李伯陽修道養壽 先生殆其人與今年八月二十二日為 先生八十誕辰修等謹就所知綴陳梗概敬求 當代名賢龍錫詩文以當南山之祝嚴修王守恂李金藻趙元禮同啓 附錄望都縣志創修報恩祠記及林君焉青另印各件敬備 察閱取財

創修報恩祠記

陶唐故壤孕帝名區賦重差繁之說古未之聞自明季屢增田賦泊國朝定鼎詔依明代萬歷初年賦則凡天啓崇禎時所加增悉蠲免獨吾邑未請更正迄今二百五十餘年凡官茲土者或以減賦而缺益瘠或以議改舊章懼干譴責相沿日久愈難希破格之恩矣況從前明以來

都建於北途開自南驛路紛馳晝夜不息吾邑以蕞爾當衝道應十行省往來差主有飢無食寒無衣稱貸以供徭役而恆處不足既困於賦復困於差日昃月削歲有流亡其隱忍而居故土者皆不聊生也光緒甲午春我邑侯李公蒞任之初周歷四境睹民困彫敝情形惻然曰吾民何以困若此耶備詢父老耆耋邑乘賦役全書始知賦與差之交為民病乃痛哭流涕首以減賦上書於太守陳公方伯陳公詳請制軍王公入告蒙恩將行差優免退出關地三項大糧各減五成永著為令計閩邑歲減正額銀六千零四十六兩六錢六分例征錢合加耗補平補色解費等項以今銀價核之歲共省一萬一千餘金繼又以每歲貼差三千金請於太守陳公方伯陳公邀准於保正等處當商生息項下歲撥庫平足銀三千兩以為民間車差經費方伯詳稟制軍批准立案此蓋援新樂縣舊案而行也新樂官困其先邑侯詳懇上憲津貼准歲給三千金我邑侯李公以望都官困猶新樂後必有據此而請者若亦請諸官民難沾惠矣故亟請歸民用以資差徭津貼各應復嘉其克己愛民之意許之斯二者君恩也惠恩也然苟有司莫以告而恩奚以逮也不然二百五十餘年來何以困若此耶乃歎我邑侯李公為民請命之恩之同於再造也繼自今賦不重矣差不繁矣窮瘡積困日以蘇矣吾邑人何修而得此賢父

母也且夫賢父母善政豈一二端已哉公幸任歲有九閱月隨集市官講聖諭兼引各善書以導鄉曲課書院必親自改創以敦品立行相勸勉決平訟獄不輕用刑而姑奸除暴則又嚴甚遇貧乏周以錢粟夫役各雜差常捐廉給發弗忍循例票派時東洋筆數未幾甘省回氣復煽動徵兵往返出境內以數十萬計公善為遣送不犯秋毫民獲安堵惟以兵車大為閭閻累輒啜泣堂前曰吾民憊甚矣今何又以鉅差重為民困耶官給車值舊有定章公則倍其數予之此外諸善政仍難殫述而減賦貼差特其大端耳乙未秋去任行之先靡不思攀其轅臥其轍公給以未定期忽一夕微服驅車去人不及知聞者莫不淚沾巾爽然若失矣歲丁酉各父老追思遺愛歷歷能道而最不忘於減賦貼差兩事夫登山者必議泰岱觀水者必論滄海凡事務求其大而探其本耳然則君恩惠恩不尤感戴而終不可誣者乎遂倡議集若干金於城東十里許荆城擇地與修報恩祠三楹上立萬歲牌下立四公祿位縣幕陳公藩幕鮑公富時皆有贊助善政力亦各捐祿位牆垣四圍書房三廡大門一豐碑一臥碑三惜限於力弗能廣拓宏規姑草創以待來者鴻恩普被萬戶皆春謹即管見以記愛為之歌曰信步遊春尋遠浦巍然廟貌龍泉滄海流水富門戶碑碣聳立相參伍偶逢父老詢其故父老欣然相告語都說

李公賢縣主誠求保赤備疾苦輕徭薄賦流惠普立化焦灼成樂土善政條條難僕數情同久
早達甘雨創立生祠大旂鼓年年春夏壽明府心香頂祝多士女懸還有無集商賈我亦趨跼
謁衡宇高歌一曲拜且舞轉危爲安非小補鑄金勒石流千古
嚴範公題李星治先生畫像鏡內長各月

平生三五知心友都是先生弟子行常共諸賢陪燕饗似曾昔日列門牆舊義親見絃歌盛
非何嘗日月傷樂府民聲流傳懋懋書天語贊循良壯年宦蹟燕趙晚歲勳名豫與揚大隱
何心戀朝市去思最永是吾鄉歸田不就陶潛菊卜宅仍依伯樂載路登堂話舊成章在
簡復升堂鑄金漫擬蘇軾越畫像還同賦在杭難得華宗傳絕藝能從道貌寫謙光鏡隨霽月
雙圓滿坐有春風萬吉祥願聖部低首拜祝公福祿壽無疆

又壽李星治先生七律二首 乙丑
伯陽歲過三周甲 老子百有六十餘歲 元爽年將倍古稀 洛中遺老李元爽年一百三十
例下風我輩慕餘輝童顏匪借千鍾酒仙骨曾披一品衣天眷召公錫難老 召公百八十
頌首王繼公以大統知縣分直隸歷年劇務升遷府前後三十餘年
恩政不可殫述其後分巡於畿關府於院所居民樂所去思思

四

三生石上說前因我亦繼疆一部民知已感深青眼待忘年交久白頭新 公是於余 類過燕市叨
陪宴 公高津久其籍之旁有酒市曰小有天公屢召余 曾傍龍門侍寫真 某歲公過子安公於城南酒
與公之門人林君題詩即其處爲馬車會 樓招余侍坐觀戲合機一影 獨愧
望秋蒲柳質 余病累年公尤軫念 延醫饋食恩臨風至 輪公松柏蔭長春
星治先生大人八旬大慶 天津後學嚴 修頓首拜祝

又致林墨青函
羅弟左右前日寄上一紙計邀賢鑒昨怡兄傳述公言下走晉京之期必須從緩足徵關注惟
沈大夫勸令就京診察係半月以前事沈君且言不宜過遲遲恐內部發炎又生枝節今已
一再延緩矣恰遇周支山兄回京之便遂與結伴北上好在冬衣一概未撤或不至爲寒氣所
中也拙作壽李星老詩擬寫一暨屏茲先將底稿呈請吾弟教正至應如何向詩社徵集佳作
並日期與不請弟卓酌 郵憲擬請弟題聯事爲示同人照合作書易於著筆是以爲墨青與居處
妨礙容徵集 三題及子處之選四題一不合但請太深圖耳知師吳君弟弟無爲也 倚裝書此
祇請大安修拜啓 四月五日

李星治先生贈林墨青壽序

墨青老友教品爲學常歲即以文鳴丁亥冬宮玉甫刺權津篆呂試滋予總校復有同校三

人首場予即嘉墨青文置第一同校某君與予齊年袖示一卷謂此亦平日率屬文者請高列
予披閱殊不爾抑之初覆予益激賞墨青文慮或疑爲偏好遂付其齊年閱不謂痛遭貶斥每
句施大黑點某非不識文者胡反予所好若是得毋因首場抑其所請而以爲報乎不獲已亟
將大黑點盡易爲連圈置第三又有同校某君從旁詰曰此卷爲某君所貶斥胡反其所惡乎
予微哂曰君再讀十年書未知能到此境否某慙而退曰是予必親校墨青卷終以冠軍予既
司總校凡所翻陟同校與東道弗得參末議蓋防其或有所私也顧人亦安保不防予以私果
也當直刺語予曰試事順平院內有文昌祠我兩人宜聯名製匾爲謝繼兩編言使擇一爲斯
文在茲一爲神人共鑒予竊知其意答曰非用神人共鑒何以明心直刺意乃釋比院試墨青
仍冠全軍前茅取九人其一人以領題犯下一字見屏許學使傳見府縣贊直刺不絕口而於
某太守不留一詞堂屬相形良難自遺願予不文安識文特盡一分心或鮮屈才鮮倖進耳予
由是屬望於墨青者甚切文章有佳佳日春秋乃三試鄉闈一薦不售即不復瞻棘院所爲漠
然於科名者則以其品也顧品與學併度必有所由來迨日久過從始悉於範公友而師被其
甄陶者至也範公鑒時事日非非與學莫能救國欲爲各省興學必先於本邑倡學傾貲助

五

費亟邀墨青董其事墨青亦能承範公意奔馳勸勵斯夕弗遑一日喝暑病予偕醫者走視見
呻吟牀箠間猶手訂規章弗輟勸少休曰未可緩也竊怪昔漢然於科名今皇然於學校胡前
後判若兩人抑知爲公爲私之未可同日語也清以內翰酬其庸茲者全邑公立男女學
校且一百餘處文化之盛爲各省冠但冀各省本津邑爲效法不啓文明則墨青與範公
之志也詩云壽考作人意惟作人能壽願墨青永從範公後教育英才貴壽無極而予竊有憾
者不殖將落莫能附大雅而廣三壽作朋良滋愧矣歲壬戌正月十四日爲墨青六秩雙慶不
佞頌祝語述往事以爲紀念 友生李兆珍謹識

